

# KERATAN AKHBAR

## Tingkat semula imej Kemas

Perlu mara sebagai agensi penggerak perubahan masyarakat

MOHD HAFIZ ISMAIL

SERDANG

Perdana Menteri, Tun Dr Mahathir Mohamad menyarankan agar anggota Jabatan Kemajuan Masyarakat (Kemas) meningkatkan semula imej dan kewibawaan badan itu.

Menerusi teks ucapannya dibacakan Menteri Pembangunan Luar Bandar, Datuk Seri Rina Harun, beliau berbantah, jabatan itu perlu mara sebagai agensi utama peng-

gerak perubahan masyarakat luar bandar.

"Tingkatkan prestasi kerja, sentiasa lakukan perubahan dalam setiap tindakan dan fokus sepenuhnya terhadap penyampaian perkhidmatan terbaik kepada masyarakat, selaras dengan aspirasi Kemas sebagai penggerak kesejahteraan masyarakat luar bandar.

"Untuk itu, peranan dan fungsi Kemas hendaklah selaras dengan ekspektasi dan keperluan masyarakat serta kehendak kerajaan masa kini," katanya sempena Perhimpunan Perdana Sambutan Hari Kemas, semalam.



Rina merasmikan Perhimpunan Perdana Sambutan Hari Kemas, semalam.

Menurutnya, jabatan itu perlu menjadi tulang belakang kerajaan dalam meneruskan perancangan dan pembangunan negara agar berjalan dengan lebih teratur

serta berkesan.

"Saya percaya kemakmuran, kesejahteraan dan kenikmatan kita kecapi pada hari ini sedikit sebanyak lahir atas sumbangan, ajaran serta

didikan sepanjang hayat di berikan Kemas kepada masyarakat keseluruhannya.

"Pastinya cabaran dan dugaan akan bertambah hebat lagi pada masa-masa

mendatang. Sudah tentu ia akan menuntut komitmen, kecekalan dan daya ketahanan yang tinggi dalam kalangan warga Kemas.

"Mantapkan perancangan, giatkan usaha dan teruskan langkah demi merealisasikan harapan negara untuk memperkasa masyarakat luar bandar," katanya.

Beliau berkata, Kemas adalah perintis pendidikan awal kanak-kanak melalui penubuhan Taman Bimbingan Kanak-Kanak (Tabika) pada 1970 dan Taska Kemas pada 1995.

"Sesungguhnya pendidikan awal kanak-kanak adalah permulaan bagi membangukan sesebuah negara dan rakyatnya.

"Kanak-kanak asset paling bernilai, khususnya negara kerana mereka inilah bakal pewaris bangsa," katanya.

## KETERANGAN AKHBAR